


WEBINAR ETIKA PENYELIDIKAN

Oleh : Siti Fatimah Sadikon

Satu program webinar bertajuk “Etika Penyelidikan” telah berlangsung pada 18 Jun 2021 anjuran Unit Latihan Bersama unit Penyelidikan & Inovasi, Pengajian Kejuruteraan Awam (PKA), UiTM Cawangan Pulau Pinang secara atas talian. Program ini telah menjemput Dr Rofiza Aboo Bakar selaku wakil dari “Research Ethics Committee” (REC), UiTM Cawangan Pulau Pinang dan dihadiri oleh seluruh warga PKA. Program ini dijalankan untuk memberi pendedahan yang lebih terperinci tentang etika penyelidikan kepada penyelidik yang ingin mengguna cara kajian secara soal selidik (questionnaire). Etika penyelidikan ini adalah untuk memastikan soalan-soalan di dalam questionnaire bagi setiap kajian yang melibatkan manusia mengamalkan prinsip melindungi hak, maruah dan kepentingan yang melibatkan penyertaan manusia. Disebabkan itu, pihak REC bertanggungjawab untuk menilai segala soalan di dalam questionnaire para penyelidik supaya tiada isu berbangkit di kemudian hari. Ia merupakan sesuatu yang baru bagi seluruh warga PKA. Maka, pihak pentadbir PKA merasakan adalah perlu untuk memberi pendedahan tentang perkara ini kepada seluruh warganya. Di dalam program ini, Dr Rofiza telah menerangkan tentang definasi, tujuan dan kepentingan etika penyelidikan. Selain itu, beliau juga telah menerangkan prosedur penyemakan soalan di dalam questionnaire yang dibuat oleh para penyelidik di UiTM termasuklah segala proses dan borang-borang yang perlu diisi untuk mendapatkan kelulusan dari pihak REC sebelum soal selidik tersebut diedarkan kepada responden. Pelbagai soalan dan pandangan telah dikemukakan oleh warga PKA sepanjang program ini berlangsung yang meninggalkan input berharga kepada semua.



Sesi webinar yang disampaikan oleh Dr Rofiza Aboo Bakar pada 18 Jun 2021